



En sabeda, ai 10.03.2012 complësc **Nane Pitscheider Piccolruaz** da Rainé 81 agn. Le Senioreclub y düta la Comunité de Badia ti aoda sanité, ligrëza y benedisciun

KVV Val Badia: al vëgn organisé n iade de pelegrinaje a Erfurt tl Thüringen dai 30 de aurì ai 03 de mà 2012.

Le iade, cun düc ci che alda laprò, costa 450,00 € (60,00 € laprò por na cíamena da 1 let). Prenotaziuns tol sö, cina che al é lerch, Hilda Sottara da S.Martin (tel.0474/523133 o 338/9231013). Cun la prenotaziun é l da paié ite le prisc pro la Cassa Raiffeisen dla Val Badia sö l cunt IT 23 S 08010 58830 000304009622 "lade a Erfurt" Programs plö avisa ciafëise da Iaco Clement.

* * * * *

Le KVV informëia che en vëndres, ai 09.03.2012, dales 14:30 ales 16:00 é la **defensuria zivica** Dr.Burgl Volgger o süa colaboradëssa Dr.Verena Crazzolara che tègn na udiënza a S. Martin te Ciasa de Comun.

Le Raiun Sozio Sanitar da Picolin: lascia alsavëi che la proscima incuntada por porsones che ciara de jënt atempada y/o amarada sarà en mertesc, ai 06.03.2012 dales 15:00 tla sënta dl Raiun a Picolin. Düc é dër bel invià y informaziuns ciafëise al numer 0474/524513.

Curs de ginastica por paziënc cun maraties cardiovascolares: La "Südtiroler Herzstiftung" organisëia incé por le 2012 chësc curs che vëgn tignì vigni lünesc dales 18:00 ales 19:00 tla palestra da S.Martin da setëmber a jügn. Referënt é Markus Winkler y al sarà a desposiziun incé n dotur (le cardiologh Felix Pescoller o le dotur de medejina Franz Comploi). Le prisc é de 150,00 €. Por informaziuns cherdede Paratscha Renato (tel.348-7457309).

1) La Uniun Patrones Badia tol pert ala "Primelaktion" a fin de bëgn por la "Krebsforschung". I ciüf vëgn venüs ai 08.03.2012 (festa dl'ëla) sön plaza de Comun a Pedraces dales 09:00 ales 12:00.

2) La Uniun Patrones Badia mët a jì n curs da "filzen" por mituns dla 3.,4.,5. elementara y 1.,2. mesana ai 17.03.2012 dales 14:00 te Ciasa Runcher. Prenotaziuns pro Gabi al nr. 339-6009096.



Usc dla Cüra BADIA

Tel./Fax 0471 839571 - E-Mail: parrocchiabadia@libero.it - www.valbadiaonline.it

Nr. 15	Edema: 04.03 - 11.03.2012
--------	---------------------------

Vangele dla Dumënia che vëgn - III° de Carsëma dl ann B

Vangele do Jan 2, 13-25

La festa de Pasca di iüdes é daimprò, y Gejù é jü sö lerusalem. Tl tëmpl àl urté i sciacri de armënc, bisces y colombes y i ingiamiadus de scioldi, che é sentà dailò. Do ch'al à fat na scoriada de cordes i àl parè düc fora dl tëmpl adöm cun les bisces y i armënc; i scioldi di ingiamiadus àl juté fora, y sües mëses àl rosedè sotissura. Ai sciacri dales colombes ti àl dit: Jide demez cun chësc patüc, ne stede a fà fora dla cíasa de mi Pere n salf da marcé. Sü discepui se recordà dla parora dla Scritöra: La pasciun por mia cíasa me consumëia. Sön chësta l'è i iüdes tut a cunt: Cì sëgn nes làsceste pa odëi por desmostrè che te pos fà chësc? Gejù ti à respognù: Tirede jö chësc tëmpl, te trëi dis le fajarài indò sö. Dailò à dit i iüdes: Carantësis agn alalungia é l gnü frabiché pro chësc tëmpl, y tö òs le fà sö te trëi dis? Mo èl minà le tëmpl de so corp. Do ch'al é resson dai morc, s'è sü discepui recordé ch'al à albü dit chësc, y ai ti cherdò ala Scritöra y ala parora che Gejù à albü dit. Tratan ch'al è a lerusalem por la festa de Pasca, è tröc rovà a crëie te so inom, canch'ai odò i sëgns ch'al fajò. Mo Gejù ne se confidà nia cun ëi, deache al i conesciò düc, y al n'adorà da degügn na testimonianza porsura l'ater; ciodich'al savò ci ch'al é tla jënt.

Quaresima



n'avventura
da vivere
insieme
per ritrovare
il gusto del
Vangelo,
nostra
eterna
primavera.

FUNZIUNS SACRES

04.03. II. DUMËNIA de CARSËMA - ANN / B

- 10.00 S. Mëssa por la Comunità
15.00 Via Crucis
18.00 †ti Pire y Fefa Anvidalfarei - aniversar
†ta Marta Pitscheider - aniversar
por la fam. de Maria Trebo/Dapunt
†to Vittur Carlo y families



05.03. Lünesc

- 19.30 *Mëssa cun i crejimà*
†to Gottfried Piccolruaz - aniversar
†ta Candida Castlunger - aniversar
†to Linert Pescoll – aniversar y †ta Teresa

06.03 Mertesc

- 19.30 Via Crucis (*cun la Uniun di Èi*)

07.03. Mercui

- 07.25 por la fam. Sandro y Emma Canins
por la fam. Franz y Maria Irsara - Cíalaruns
por i proi

08.03. Jöbia

- 07.25 *Laudes*

09.03. Vëndres

- 07.25 †to Franz Canins – aniversar
†ta Caterina Canins
por la fam. Hermann y Rita Irsara
18.00 Via Crucis (*cun i Crejimà*)




10.03. Sabeda

- 16.00 S. Mëssa a Oies

11.03. III. DUMËNIA de CARSËMA - ANN / B

- 10.00 Mëssa por la Comunità
15.00 Via Crucis
18.00 †to Guido Dapunt.
por les families de Trinele Pizzinini/Valentini
por les animes dl purgatore

Dala VITA dla CÛRA



Crejimà dl ultimo ann: En vëndres, ai 09.03.2012 saràle i Crejimà che dij dant les Staziuns, porchèl é duc i mituns invià a gnì bele dales 17:30 te dlijia por se arjigné ca.

I Crejimà invièia düta la Comunità a medité cun èi la pasciun de nosc Signur.


Preparaziun ala Crejima: I geniturs di mituns/mitans che ciafarà chësc Sacramënt tratàn l'aisciüda 2013 é invià a na incuntada en mertesc, ai 06.03.2012 dales 20:00 te scola elementara.



Curs de preparaziun al maridè: Le Sorvisc ai Jogn Val Badia organisèia n curs de preparaziun al maridè. Al mèt man le vëndres, ai 23.03.2012 dales 20:00 y se rüva la dumènia, ai 25.03.2012 do marèna. Tó pert po 20 pèrs y le cost é de 120,00 € a pèr. Infos y prenotaziuns te Sorvisc ai Jogn al nr. 0474/523070 o E-mail a info@jogn.org cina ai 17 de merz.

Pelegrinaje dles Èles Catoliches en Jeunn: En chësc ann orunse incè nos èles dla Val Badia tó pert al pelegrinaje adüm a dütes les èles dla Diozeja en sabeda, ai 24.03.2012 en Jeunn. Al é n bus che pèia ia da Calfosch cina a Tluses olache se incuntun cun l'ater grup por jì en prozesciun sön Jeunn a na funziun te dlijia. Por i orars dl bus y por se prenotè cherdè sö Clara (tel. 0474/501850) cina ai 18.03.2012.

Grup Jogn: chëst'edema sarà le local di jogn davert en lünesc, ai 05.03.2012 y en vëndres, ai 09.03.2012 dales 16:00 ales 18:00 olache duc i jogn/jones danter i 11 y i 18 agn é invià a gnì a passè le tēmp lēde deboriada pro na cartada, na partida a "calcetto", n film o atra ativité. Le Sorvisc ai Jogn ves aspeta y podèise gnì y jì canche orèise.



Scora de Musiga "Val Badia": incè chësc ann saràl indò les iscriziuns ala Scora de Musiga por l'ann 2012/13 tratàn düt l' mèis de merz. I formulars por l'iscriziun é da ciafè tles scores, sön internet y tl ofize dla Scora de Musiga a La Ila. Por informaziuns präibel cherdè sö al nr.0471/847748.